

Alperöösli



2008



Wenn Wiehnachtsgutzi bache duesch
und alli Gschängg , no kauffe muesch
isch dr Wiehnachtsbroote zart und waich
jä, denn isch Zyt fir e Moorgestraich

S` Hingis-Comeback, liigt in Schäärbe
fir Weschmaschiine duet si au nimm wäärbe
bim wäsche händ` s iire nimm so traut
Si haig die ganzi Zyt nur s Bulver klaut

Schwaarzi Schooff und dunggli Gselle
will d SVP aifach uussestelle
Jetz froog mi, he nundefaane
wo schigge mir dä Blocher aane

Wenn in dr Schwyz, Formel 1 kasch gseh
und in Minchestai het` s e groosse See
Und dr Couchepin au sy Huet wurd neeh
Denn gwinnt sicher au emool dr EHC

E Schwoobefrau schloot allne vor
Verhyrootet isch me no siibe Joor
do miest ych jetzt jo, mit mym Alte
No ewigi säggs Joor duurehalte

Jetz schryyb y Kaarte, Brieff wie wild
schlägg Maargge mit em Rodscher-Bild.
wurd me vom Blocher Maargge drugge
Y wurd nimm schlägge, y wurd sp... ilt jo jetzt kai Rolle meh

Drei Wuche Fuessball muesch ertraage
s` wird gsoffe, gröölt und umme gschlaage
jetz bang und hoffy i fir my Maa
das är die Zyt, mit mir usshalte kaa

D Polizei macht jetzte Ligestitze
dr Murat zellt und kunnt in` s schwitze.
ains... zwai... ää... vier... mm... säggs... siibe.
Drum bin y Fuessball-Profi blybe.

D` Thuner renne au näbem Platz
fir jede Spiiler , dr glychi Schatz
Wie solle die au, dä Unterschiid kenne
Wenn au alli allewyyl, em glyche Ball nocherenne

In d Migros Klupschuel gang ych jetz au
deert leersch Fuessballreegle , speeziell fir d Frau
Nur mues uns das kain me leere welle
Isch doch kai Sach, e Maa in` s Abseits stelle

www.alperöösli.ch

Wottsch au by uns bänggle ?
Schigg doch aifach e Brief in unser Boschtfach
VSG Postfach 4365 4002 Basel
Oder goosch uff, www.vsg-basel.ch

Drugg: H. Leidenfrost AG Basel